

CHJASSI DI CORSICA



L'Omu di Cagna

Scopi pedagogichi

Capiscitura urali : -situà un lucutori sicondu a so varietà linguistica -discrizzioni di un locu
-l'animali

Capiscitura scritta : -i pancarti d'infurmazioni -truvà un rinsignamentu specificu in un documentu semplici -i tuponimi, indiziu è trascrizzioni di i lochi.

Cunnuscenzi culturali è linguistichi : - specificà i caratteristichi di a so cultura è di a lingua.

Lingui è culturi stranieri o righjunali : i lingui, qualchì diffarenza è cunvergenza.

A SERIA

Chjassi di Corsica hè una serà di filmetti di circa 4 minuti. Hè una pruduzioni di u Canopé di Corsica, cumandata da a Cullittività di Corsica. U rializatori hè Petrantonu Beretti.

I filmetti sò da veda è caricà à nant'à a educorsica.fr.

U scopu hè di fà scopra un locu assignalatu di a Corsica è di studià uni pochi di duminii : a lingua (lessicu, varietà linguistica...), a giugraffia, a Storia, u patrimoni culturali.

Lessicu

- u filmettu
- u cumentu
- a voci off/a voce off
- l'effetti spiciali/l'effetti speziali

Dumandi

- 1- Quali sò u rializatori è u pruduttori ?
- 2- Chì tippu di filmettu hè ? Chì hè u scopu maestru ?
- 3-Chì indizii sò dati à principiu ?
- 4-Comu hè custruitu u filmettu ?
- 5-Chì hè chì veni à illustrà u prupositu (sonu, maghjina, effetti ecc.) ?

L'OMU DI CAGNA - U FILMETTU

Andatura

-Si fighjula u filmettu una volta. I sculari rispondini à dumandi generali : chì tippu di filmettu hè ? Chì hè u sughjettu ?

-L'insignanti dumanda à i sculari di fà veda (o faci veda) u locu à nant'à una carta.

-Dopu, l'insignanti si ghjova di i dumandi quì sottu da fà una spiicazioni più fundia, di modu urali o scrittu.

1.U filmettu

Dumandi

- 1.Chì locu hè ammintatu quì ? Induva si trova ?
- 2.Da induva parti a spassighjata ? Induva ghjugni ?
- 3.Quantu dura ? Chì hè a so distanza tutali ?
- 4.Hè difficiuli issa spassighjata ?
- 5.À chì altitutina hè ?
- 6.Parchì ch'eddu hè chjamatu "sintinedda" issu locu in u filmettu ?
- 7.Chì altru "parsunaghju" hè ammintatu ? Parchì sò ligati issi dui ?
- 8.Da induva parti a spassighjata ?
- 9.Induva si ghjugni prestu ? Chì ci si vedi ?
- 10.Parchì chì "l'affari sò in francesi" viaghjendu ?
- 11.Chì descrizzioni si pò fà di u locu strada facendu ?
- 12.Chì animali ci hè à l'ingrossu ? Qualessi sò ammintati ?
- 13.Chì si vidia in l'anni 1960 par sti lochi ? Chì ci faciani ?
- 14.Induva si ghjugni à u capu di dui ori ?
- 15.Chì sprissioni sò aduprati da discrive u paisaghju ?
- 16.Chì vista ci hè da in sù ?
- 14.L'Omu di Cagna, chì hè (discrizzioni) ?
- 15.Comu hè ch'eddi l'ani chjamatu cusì ? Vi pari ghjustificata ? Parchì ?

2.Studiu fundiu/Allarghera

I sculari pudarani trattà i sughjetti pruposti quì sottu di modu individuali o à gruppiceddi.

-I muntagni di Corsica :

Attività :

-situà à nant'à una carta i nomi mintuvati in a canzona "L'alta strada"

L'alta strada

scritta è cumposta da Ghjuvampaulu Poletti, intarpritata da Canta U Populu Corsu, *Canti di a terra è di l'omu*, 1977, ed. Ricordu

La mio culomba messagera
Chì parte per longu viaghju
Traversa la Corsica intera
Cù lu zitellu è lu capraghju.

Salutami l'omu di Cagna
È l'Ospedale cun Bavella
Di lu Cuscionu la muntagna
Incù l'Alcudina per stella.

Stende lu volu maestosu
Cala u to sguardu in pianu d'Ese
Ci sò li Pozzi è lu Renosu
Ti faranu cullane appese.

Franca l'Oriente è Monte d'Oru
Da Manganellu à la Maniccia
Cù li laghi di lu Ritonu
Guarda lu Cardu è Lattinicia.

Acqua Ciarnente è Camputile
Da Ninu à Verghju per la furesta
Hè bella la neve d'aprile
Quandu u sole si mette in festa.

O Paglia Orba luminosa
Regina bianca incurunata
Damicella cusì pumposa
Di lu Cintu s'hè innamorata.

Cantanu in seme cun amore
Cù l'altre cime di lu circondu
U silenziu fattu rimore
Per la bellezza di lu mio mondu

-prisintà una muntagna (diapurama, filmettu, arrighjistramentu...)

-L'arburatura : i pini/l'arburi muntagnoli

Attività : fà un diapurama o un filmettu cù i caratteristichi d'ogni arburu ammintatu.

-L'aceddi

Attività : fà un diapurama o un filmettu cù i caratteristichi d'ogni aceddu.

-A tupunimia

.I lochi ammintati : l'omu di Cagna, A Piaghja di Figari, A vaddi di l'Urtolu, Roccapina,
Munaccia d'Auddè, Ghjannucciu, A Tola muratiddaccia, a Punta d'Uvacci.

.Attività : sceglia un tuponimu è pruvà à spiicà lu, cù indizii cartugraffichi è icunugraffichi,
cumentu urali o scritti...

-Foli è lighjendi

-U liò di Roccapina : chì saria issa lighjenda ?

Chì altri foli o lighjendi simuli cunnusciti ?

-A muntagnera

Puesia

A muntagnera

Marcellu Acquaviva

Ch'ellu si n'hè scorsu maghju

Sarà più d'una simana

Approntati, o capraghju

À lascià piaghja è calmana

Ch'ai da fà l'altu viaghju

Dopu ghjuntu in Barghjana

Avvedeci, o Falasorma

Cù i parenti è l'amichi

Sempre ligati à Niolu

Per e gioie è i castichi

Da Montestremu à u mare

Avemu listessi antichi.

Sbucarai in Caprunale

Guardendu da altu à bassu

Supranendune à Òmita

È a funtana di u Tassu

Basgiati a croce nova

Chì a vechja ùn s'hè più trova.

U terzu ghjornu à la mane

Ti n'andarai vulinteri

In Sesta o Petra Pinzuta

Bicarellu o à Tileri

Più chè mai ghjunghjeranu

À l'abbordu i frusteri.

Avà chì ai righjuntu

Di l'estate u rughjone

Di tantu in tantu in paese

Affaccati à l'occasione

Poi ùn mancà a to festa

A mane di Sant'Antone.

Missa in musica da Ghjuvanclaudiu Acquaviva pà A Filetta

